

續

漢

志

集

解

天文志中第十一

明十二 章五 安四十六

和三十 三 順二十三

質三

後漢書十一

梁

剡

令劉 昭注補

王先謙集解

孝明永平元年四月丁酉流星大如斗起天市樓西南行光照地

流星為外兵西南行為西南夷是時益州發兵擊姑復蠻夷太牢

替滅陵斬首傳諸雒陽古今注曰閏九月辛未火在太微左執法

井北軒轅第二星二年十二月戊辰月食火星

三年六月丁卯彗星出天船北長二尺所稍北行至亢南百三十

五日去天船為水彗出之為大水是歲伊雒水溢到津城門壞伊

橋郡七縣三十二皆大水

四年八月辛酉客星出梗河西北指貫索七十日去梗河為胡兵

至五年十一月北匈奴七千騎入五原塞十二月又入雲中至原

陽貫索費人之牢集解惠棟曰當云賤人之牢樂汁圖徵其十二

月陵鄉侯梁松坐怨望懸飛書誹謗朝廷下獄死妻子家屬徙九

真

七年正月戊子流星大如杯從織女西行光照地織女天之真女

流星出之女主憂其月癸卯光烈皇后崩古今注曰三月庚戌客

左執法南端門外凡見七十五日集解惠棟曰荊州占曰織女一名天女天子女也

八年六月壬午長星出柳張三十七度犯軒轅刺天駘陵太微氣

至上階凡見五十六日去柳周地是歲多雨水郡十四傷稼古今注曰

十二月戊子客星出東方

九年正月戊申客星出牽牛長八尺厯建屋至房南古今注曰厯

魚尾至翼滅見至五十日鄰萌占曰客星舍房左右羣牽牛主災

芒東指

臣有吞藥死者又占有奪地

越房心爲宋後廣陵王荆與沈涼楚王英與顏忠各謀逆事覺皆

自殺廣陵屬吳彭城古宋地古今注曰十年七月甲寅月犯歲星十一年六月壬辰火犯土星

十三年閏月丁亥火犯輿鬼爲大喪質星爲大臣誅戮晉灼曰鬼

白者爲質其十二月楚王英與顏忠等造作妖謀反事覺英自殺忠等

皆伏誅古今注曰十一月客星出軒轅四十八日十二月戊午月犯木星星集解洪亮吉日案十二月宜作十一月

十四年正月戊子客星出昴六十日在軒轅右角稍滅昴主邊兵

後一年漢遣奉車都尉顯親侯竇固駙馬都尉耿秉騎都尉耿忠

開陽城門候秦彭太僕祭彤將兵擊匈奴一曰軒轅右角爲貴相

昴爲獄事客星守之爲大獄是時考楚事未訖司徒虞延與楚王

英黨與黃初公孫弘等交通集解惠棟曰與字衍皆自殺或下獄伏誅

十五年十一月乙丑太白入月中爲大將戮人主亡不出三年後

三年孝明帝崩集解惠棟曰袁紀乙丑作乙卯

紀乙丑作乙卯

十六年正月丁丑歲星犯房右驂北第一星不見辛巳乃見石氏星經

日歲星守房良馬出廢古房右驂為貴臣歲星犯之為見誅是後

今注曰正月丁未月初房集解惠棟曰漢律與司徒邢穆坐與阜陵王延交通知逆謀自殺罪人交關三日以上

皆應知情四月癸未集解先謙曰官太白犯畢畢為邊兵集解惠棟曰春

見孔融傳秋緯元命包曰畢七本四月提行後北匈奴寇入雲中至咸陽使者高弘發三

星十六度主邊兵郡兵追討無所得太僕祭彤坐不進下獄

十八年六月己未彗星出張長三尺轉在郎將南入太微皆屬張

張周地為東郡太微天子廷彗星犯之為兵喪其八月壬子孝明

帝崩

孝章建初元年正月丁巳太白在昴西一尺八月庚寅彗星出天

市長三尺所稍行入牽牛三度積四十日稍滅太白在昴為邊兵

彗星出天市為外軍牽牛為吳越是時蠻夷陳縱等及哀牢王類

反攻蕉唐城

集解齊召南曰按文當作雋唐城雋唐永昌郡屬縣也惠棟曰蕉西南夷傳作雋案永昌有雋唐縣當從

傳永昌太守王尋走奔樸榆安夷長宋延為羌所殺曰武威太守

傅育領護羌校尉馬防行車騎將軍征西羌又阜陵王延與子男

魴謀反大逆無道得不誅廢為侯二月九日

古今注曰甲申金入斗魁集解先謙曰官

本二月甲寅流星過紫宮中

集解李良綏曰案書曰例惟甲子此兼言九日訛也上書八月庚寅彗星出天

市此不應更紀二月事且上書元年正月丁巳則二月九日安得

為甲寅乎下云十二月戊寅彗星出考章帝紀在建初二年此二

月九日乃二年九月之訛也洪亮吉日二月九日應作二年九月

凡紀志書皆舉甲子未有直舉日者又下言十二月戊寅流星過

入紫宮此亦建初二年事即此可知長數丈散為三滅十一月戊寅彗星出婁三度

長入九尺稍入紫宮中百六日稍滅流星過入紫宮皆大人忌後

四年六月癸丑明德皇后崩

古今注曰五年二月戊辰木火具在參棟翼統錄昭宮三月戊寅木水在

東井六年七月丁酉夜有流星起軒轅大如拳歷文昌餘氣正白  
句曲西如文昌久久乃滅黃帝星經曰木守東井有土功之事一  
日大水都萌曰歲星守參  
后當之焚惑守大人當之

元和元年四月丁巳客星晨出東方在胃八度長三尺歷閣道入

紫宮留四十日滅閣道紫宮天子之宮也客星犯入留久為大喪

後四年孝章皇帝崩集解惠棟曰荆州占云閣道王良旗也有六星

孝和永元元年正月辛卯有流星起參長四丈古今注曰大如拳起參東南有

光色黃白古今注曰癸亥鎮在參又流星大如桃色赤起太微東蕃石氏曰鎮守參有土功事二月流星起

天棊東北行三丈所滅色青白集解惠棟曰棊音皮韋昭音剖詩緯曰槍三星棊五星在斗杓左右

主槍人壬申夜有流星起太微東蕃長三丈三月古今注曰戊子土在參丙

辰流星起天津古今注曰星大如桃起天津東至斗黃白頻有光壬戌有流星起天將軍

東北行古今注曰色黃無光參為邊兵天棊為兵太微天廷天津為水天將

軍為兵流星起之皆為兵其六月漢遣車騎將軍竇憲執金吾耿

秉與度遼將軍鄧鴻出朔方竝進兵臨私渠北鞬海斬虜首萬餘

級獲生口牛馬羊百萬頭日逐王等八十一部降凡三十餘萬人

追單于至西海是歲七月又雨水漂人民是其應古今注曰十一月壬申鎮星在

東井石氏曰天下水其大出流殺人

二年正月乙卯金木俱在奎丙寅水又在奎巫咸曰辰守奎多水火災亦為旱古今注

日土在東井奎主武庫兵三星會又為兵喪辛未水金木在婁亦為兵

又為匿謀郝萌曰辰守婁有兵兵罷兵起巫咸石氏云多火災二古今注曰丙寅水在奎土在東井金在婁木火在昴

月丁酉有流星大如桃起紫宮東蕃西北行五丈稍滅古今注曰三月甲子

火在亢南端門第一星南乙亥金在東井四月丙辰有流星大如瓜起文昌東北西南

行至少微西滅有頃音如雷聲已而金在軒轅大星東北二尺所

古今注曰丁丑火在氏東南星東南八月丁未有流星如雞子起太微西東南行四

丈所消十月癸未有流星大如桃起天津西行六丈所消十一月

辛酉有流星大如拳起紫宮西行到胃消

三年九月丁卯有流星大如雞子起紫宮西南至北斗柄間消紫星



宮占曰有流星出紫宮天子使也色赤言兵色白言喪色黃言吉色青言憂色黑言水出皆以所之野命東西南北紫宮天

子宮文昌少微為貴臣天津為水北斗主殺流星起歷紫宮文昌

少微天津文昌為天子使出有兵誅也竇憲為大將軍憲弟篤景

等皆卿校尉憲女弟婿郭舉為侍中射聲校尉與衛尉鄧疊母元

俱出入宮中謀為不軌至四年六月丙寅發覺集解洪亮吉日案和帝紀云庚申幸

北宮詔收捕憲黨則此志丙寅應作丙辰為是又諫收憲丙辰至庚申正五日和帝幸北宮詔執金吾五

校尉勒兵屯南北宮集解先謙曰閉城門捕舉舉父長樂少府璜官本無尉字

及疊弟步兵校尉磊母元皆下獄誅憲弟篤景等皆自殺金犯

軒轅女主失勢竇氏被誅太后失勢

五年古今注曰正月甲戌月乘歲星四月癸巳太白熒惑辰星俱在東井巫咸曰太白守

井五穀不成黃帝經曰五星及客星守井皆為水石氏曰為旱又

曰太白入東井留一日以上乃占大臣當之期三月若一年遠五

年古今注曰七月壬午歲星犯軒轅大星九月金在南斗魁中木在輿鬼

石氏曰 火犯房北第一星東井秦地爲法三星合內外有兵又爲

爲旱 法令及水金入斗口中爲大將將死火犯房北第一星爲將相其

六年正月司徒丁鴻薨古今注曰六年六月丁亥金在東井閏月

有光七月水大漂殺人民傷五穀許侯馬光有罪自殺九月行車騎

將軍事鄧鴻越騎校尉馮柱發左右羽林北軍五校士及八郡跡

射烏桓鮮卑合四萬騎與度遼將軍朱徽集解錢大昕曰和帝護

烏桓校尉任尙中郎將杜崇征叛胡十二月車騎將軍鴻坐追虜

失利下獄死度遼將軍徵中郎將崇皆抵罪

七年正月丁未有流星起天津入紫宮中滅色青黃有光二月癸

酉金火俱在參正咸占曰熒惑守參多火災海中占曰爲旱太白

日注海中占藝文志海中星占十戊寅金火俱在東井郝萌曰熒

二卷即張衡所謂海人之占也八月甲寅水土金俱在軫春秋緯

有入軫者皆為兵大起巫咸占曰五星入軫者司其出入而數之  
集解先儒曰期二十日皆為兵發司始入處之率一日期十日軍  
罷石氏星經曰辰星守軫歲水郝萌曰鎮星出入雷舍軫六十日  
不下必有大喪春秋緯曰太白入軫兵大起郝萌曰太白守軫必  
有死十一月甲戌金火俱在心雜書曰太白守十二月己卯有流  
亡

星起文昌入紫宮消丙辰火金水俱在斗流星入紫宮金火在心

皆為大喪三星合軫為白衣之會金火俱在參東井皆為外兵有

死將三星俱在斗有戮將若有死相八年四月樂成王黨七月樂

成王宗皆薨將兵長史吳琴坐事徵下獄誅古今注曰八年九月

拳起妻十月北海王威自殺十二月陳王羨薨其九年閏月皇太后

寶氏崩遼東鮮卑太守祭參不追虜徵下獄誅集解錢大昕曰參

卑寇肥如遼東太守祭參不追虜徵下獄誅考鮮卑傳當作鮮

遣執金吾劉尚行征西將軍事越騎校尉節鄉侯趙世發北軍五

校黎陽雍營及邊胡兵三萬騎征西羌

十一年五月丙午流星大如瓜起氏西南行稍有光白色古今注曰六月

庚辰月入畢中占曰流星白為有使客大為大使小亦小使疾期疾遲亦

遲大如瓜為近小行稍有光為遲也又正王日邊方有受王命者

也明年二月蜀郡旄牛徼外夷白狼樓集解惠棟曰樓和紀作樓薄種王唐縉

等率種人口十七萬歸義內屬賜金印紫綬錢帛

十二年十一月癸酉夜有蒼白氣長三丈起天園東北指軍市見積十

日占曰兵起十日期歲明年十一月遼東鮮卑二千餘騎寇右北平

十三年古今注曰正月辛未水乘輿十一月乙丑軒轅第四星間

有小客星色青黃軒轅為後宮星出之為失勢其十四年六月辛

卯陰皇后廢古今注曰十四年正月乙卯月犯軒轅在太微中二

如拳起北斗魁中北至閣道稍有光色赤黃須臾西有雷聲

十六年四月丁未紫宮中生白氣如粉絮戊午客星從紫宮西行

至昴五月壬申滅七月庚午水在輿鬼中

黃帝占曰辰星犯昴大臣誅國有憂郝萌曰多

蝗蟲集解張永祚曰注辰星犯昴案正文在輿鬼而注為犯昴必誤齊召南曰案犯昴當作犯鬼

十月辛亥流星

起鉤陳北行三丈有光色黃白氣生紫宮中為喪客星從紫宮西

行至昴為趙輿鬼為死喪鉤陳為皇后流星出之為中使後一年

元興元年十月二日和帝崩

集解錢大昕曰案和殤二帝紀俱云十二月辛未洪亮吉日

二月此十月二日四字應作十二月下日字衍

殤帝即位一年又崩無嗣鄧太后遣使者

迎清河孝王子即位是為孝安皇帝是其應也清河越地也

元興元年二月庚辰有流星起角亢五丈所四月辛亥有流星起

斗東北行到須女七月己巳有流星起天市五丈所光色赤閏月

辛亥水金俱在氏

巫咸曰辰星守氏多水災海中占曰天下大旱所在不收荆州星占曰太白守氏國君大哭

流星起斗東北行至須女須女燕地天市為外軍水金會為兵誅

其年遼東貊人反鈔六縣發上谷漁陽右北平遼西烏桓討之

孝殤帝延平元年正月丁酉金火在婁金火合為燥為大人憂今古

注曰七月甲申月在南斗中是歲八月辛亥孝殤帝崩

孝安永初元年五月戊寅熒惑逆行守心前星韓楊占曰多火災

十八郡地震明年漢陽火八月戊申客星在東井弧星西南心為天子明堂熒

惑逆行守之為反臣雜書曰熒惑守心逆臣起黃帝占曰逆行守

日房心為明星天王布政之宮客星在東井為大水荆州經曰客星干是時安帝

未臨朝鄧太后攝政鄧騭為車騎將軍弟弘悝閭皆已校尉封侯

秉國勢司空周章意不平與王遵叔元茂等謀欲閉宮門捕將軍

兄弟誅常侍鄭眾蔡倫劫刺尙書廢皇太后封皇帝為遠國王事

覺章自殺東井弧皆秦地是時羌反斷隴道漢遣騭將左右羽林

北軍五校及諸郡兵征之是歲郡國四十一縣三百一十五雨水

四瀆溢傷秋稼壞城郭殺人民是其應也

二年正月戊子太白晝見

古今注曰四月乙亥月入南斗魁中八月己亥熒惑出入太微端門

三年正月庚戌月犯心後星

河圖曰亂臣在旁

己亥太白入斗中

古今注曰三月

壬寅熒惑入輿鬼中五月丙寅太白入畢中石氏經曰太白守畢國多淫刑也

十二月彗星起天苑南

錢大昕曰安帝紀作天苑苑苑古字通惠棟曰安紀十二月乙亥

東北指長六七尺色蒼白太白

晝見為彊臣

前志曰太白晝見彊國弱小國彊女主昌

是時鄧氏方盛月犯心後星不

利子心為宋五月丁酉沛王牙薨太白入斗中為貴相凶

臣昭案楊厚對

日以為諸王子多在京師容有非常宜亟發遣還本國太后從之星尋滅不見以斯而言太白入之災在貴相集解惠棟曰牙當作

正傳寫誤也王輔之孫諡節

天苑為外軍彗星出其南為外兵是後使羌氏討

賊李貴又使烏桓擊鮮卑又使中郎將任尙護羌校尉馬賢擊羌

皆降

四年

古今注曰二月丙寅月犯軒轅大星

六月丙子客星大如李蒼白芒氣長二尺

西南指上階星癸酉太白入輿鬼指上階為三公後太尉張敏免

官集解錢大昕曰安帝紀作張禹洪亮吉日張敏此時為司空不

年正月免星變太白入輿鬼為將凶後中郎將任尙坐贓千萬檻

車徵棄市韓楊占曰太白入輿鬼亂臣在內臣昭以占為明豈任

此人惟查此年七月騎都尉任仁下獄死距此幾十年安得言星變應

之驗志乃牽合任尙當之天官家之妄如此又案元初四年四月

太白入輿鬼中己巳辰星入輿鬼中注引石氏占曰將戮死郝萌

曰大臣以罪誅六年六月鎮星入輿鬼中注引黃帝經曰大臣誅

此或應在任尙耳志反不據書而又遠引鄧騭等死以當之可謂

前後失據先謙曰官本堂作堂

五年六月辛丑太白晝見經天春秋漢含孳曰陽弱辰逆太白經

天失仁太白經天集解先謙曰官

本下文皆連接不提行不空格

元初元年三月癸酉熒惑入輿鬼 二年九月辛酉熒惑入輿鬼

三年三月熒惑入輿鬼中五月丙寅太白入畢口黃帝占曰火

日遠期四十日又曰七月甲寅歲星入輿鬼閏月己未太白犯太

大臣當之亂國易主



微左執法十一月甲午客星見西方己亥在虛危南至胃昴郗萌曰客

星入虛大人當之又曰客星守危強臣執國命在后族又且大風有危敗黃帝星經曰客星入守若出危大饑民間食貴四

年正月丙戌歲星留與鬼中石氏經曰歲星入留與鬼五十日不

星經曰守鬼十日金錢散諸侯乙未太白晝見丙上四月壬戌

萌曰五穀多傷民以饑死者無數乙未太白晝見丙上四月壬戌

太白入與鬼中石氏占太白入鬼一曰已巳辰星入與鬼中

罪誅大臣一曰后疾一曰大人憂五月己卯辰星犯歲星六月丙申熒惑入與鬼

中戊戌犯與鬼大星九月辛巳太白入南斗口中黃帝經曰大人

五年三月丙申鎮星犯東井鉞星五月庚午辰星犯與鬼質星

丙戌太白犯鉞星 六年四月癸丑太白入與鬼郗萌曰太白守

六月丙戌熒惑在與鬼中黃帝經曰熒惑犯守鬼國有大喪有女

忠臣戮死不出一年中 丁卯鎮星在與鬼中黃帝經曰鎮星入鬼中大臣

太白犯左執法自永初五年到永寧十年之中太白一晝見經天

入與鬼一守畢再犯左執法入南斗犯鉞星熒惑五入與鬼  
星一犯東井鉞星一入與鬼歲星辰星再入與鬼凡五星入與鬼  
中皆為死喪熒惑太白甚犯鉞質星為誅戮斗為貴將執法為近  
臣客星在虛危為喪為哭泣星占曰不一昂畢為邊兵又為獄事  
至建光元年三月癸巳鄧太后崩五月庚辰太后兄車騎將軍騰  
等七侯皆免官自殺是其應也

延光古今注曰元年四月丙午太白晝見二年八月己亥熒惑出太微端門集解先

本下文不提行不空格是

三年二月辛未太白犯昂石氏星占太白守昂兵從門闕人主人

昂大都朝曰五月癸丑太白入畢走都朝曰不有亡國必有謀主又云入九月壬寅鎮星犯

左執法

四年太白入與鬼中古今注曰四月甲辰入六月壬辰太白出太微九月甲

子太白入斗口中十一月客星見天市熒惑出太微爲亂臣太白

犯昴畢爲近兵一曰大人當之鎮星犯左執法有誅臣太白入與

鬼中爲大喪太白出太微爲中宮有兵入斗口爲貴將相有誅者

客星見天市中爲貴喪是時大將軍耿寶中常侍江京樊豐小黃

門劉安與阿母王聖聖子女永等并構譖太子保并惡太子乳母

男集解惠棟曰順厨監邴吉三年九月丁酉廢太子爲濟陰王曰

北鄉侯懿代殺男吉徙其父母妻子日南四年三月丁卯安帝巡

狩從南陽還道腹疾至葉崩閭后與兄衛尉顯中常侍江京等共

隱匿不令羣臣知上崩道司徒劉喜等集解惠棟曰分詣郊廟告

天請命載入北宮庚午夕發喪尊閭氏爲太后北鄉侯懿病薨京

等又不欲立保白太后更徵諸王子擇所立中黃門孫程王國王

康等十九人共合謀誅顯京等立保爲天子是爲孝順皇帝皆

人強臣狂亂王室其於死亡誅戮兵起宮中是其應古今注曰承

甲午客星入太微五月甲子月入斗李氏家書曰時天有變氣李

邵上書諫曰臣聞天不言縣象以示吉凶抵災變異以為詭誠昔

齊桓公遭虹貫牛斗之變納管仲之謀令齊去婦無近妃宮桓公

聽用齊以大安趙有尹史見月生齒崩大星占有兵變趙君曰

天下共一畢知為何國也下史於獄其後公子牙謀殺君血書端

門如史所言乃月十三日有客星氣象其後天子牙謀殺君血書端

稍微不見客星一占曰舊星歷天市者為穀貴梗河三星備非常

泰陵入星為凶喪紫宮北辰為至尊如占恐宮廬之內有兵喪之

變千里之外有非常暴逆之憂魯星不得過歷尊宿行度從疾應

非一端恐復有如王阿母母子賤妾之欲居帝旁耗亂政事者誠

令有之宜當抑遠饒足以財王者權柄及爵祿人天所重慎誠非  
阿妾所宜干豫天故挺變明以示人如不承慎禍至變成悔之靡  
及也集解洪亮吉日案此書邵傳不載邵在安帝時屢陳災異順  
帝立復上此書然攷此年中邵反以災異策  
免可謂其言不酬矣史似不當入邵方術傳

孝順永建二年二月癸未太白晝見三十九日古今注曰丁巳月

閏月乙酉太白晝見東南維四十一日八月乙巳熒惑入與鬼

太白晝見為強臣熒惑為凶與鬼為死喪質星為誅戮是時中常

侍高梵張防將作大匠翟醜尙書令高堂芝僕射張敦尙書尹就

集解惠棟曰兩郎美述楊鳳等集解惠棟曰兩楊及兗州刺史鮑

就使匈奴中郎張國金城太守張篤敦煌太守張朗相與交通漏

泄就逃棄市梵防醜芝敦鳳就國皆抵罪又定遠侯班始尙陰城

公主堅得鬪爭殺堅得坐要斬馬市同產皆棄市古今注曰其年

氣廣三尺長十餘丈從北落師門南至斗三年二月癸未月犯心

後星六月甲子太白晝見四年二月癸丑月犯心後星五年閏月

庚子太白晝見六年彗星出於斗牽牛滅於虛危虛危為齊牽牛

吳越故海賊浮於會稽山賊捷於濟南五月夏熒惑守氐諸侯有

斬者是冬班始腰斬馬市集解惠棟曰洛陽記曰三市大

市名也金市在大城西南市在大城東南馬市在大城東

六年四月熒惑入太微中犯左右執法西北方六寸所十月乙卯

太白晝見十二月壬申客星芒氣長二尺餘西南指色蒼白在牽

牛六度客星芒氣白為兵牽牛為吳越後一年會稽海賊曾於等

集解惠棟曰

千餘人燒句章殺長吏又殺鄞鄞長取官兵拘殺吏

於本紀作旌

民攻東部都尉揚州六郡逆賊章何等稱將軍犯四十九縣大劫

略吏民

陽嘉元年閏月戊子

臣昭案郎顛表云十七日己丑集解惠棟曰案郎顛傳閏十月也

客星氣白

廣二尺長五丈起天苑西南

集解先謙曰官本苑作苑

主馬牛為外軍色白為

兵是時敦煌太守徐白

集解惠棟曰西域傳白作由

使疏勤王盤等兵二萬人

入于冥界虜掠斬首三百餘級烏桓校尉耿曇使烏桓親漢都尉

戎末廔等出塞

集解惠棟曰末鮮卑傳作朱

鈔鮮卑斬首獲生口財物鮮卑怨

恨鈔遼東代郡殺傷吏民是後西戎北狄為寇害呂馬牛起兵馬

牛亦死傷於兵中至十餘年乃息

臣昭案郎顛傳陽嘉元年太白與歲星合於房心二年熒惑失

度盈縮往來涉歷輿鬼環繞軒轅古今注曰二年四月壬寅太白

晝見五月癸巳又晝見十一月辛未又晝見十二月壬寅月犯太

白三年十二月辛未太白晝見四月乙卯太白熒惑入輿鬼永和元年五月丁卯太白犯牽牛大星

永和二年五月戊申太白晝見八月庚子熒惑犯南斗斗為吳

黃

經曰不期年國有亂有憂海中占為多火災  
一日旱古今注曰九月壬午月入畢口中 明年五月吳郡太守

行丞事羊珍與越兵弟葉吏民吳銅等二百餘人起兵反殺吏民

燒官亭民舍攻太守府太守王衡距守吏兵格殺珍等又江賊蔡

伯流等數百人攻廣陵九江燒城郭殺都長  
集解錢大昕曰順帝紀作九江賊此脫九

字都長上脫江字

三年二月辛巳太白晝見戊子在熒惑西南光芒相犯辛丑有流

星大如斗從西北東行長八九尺色赤黃有聲隆隆如雷三月壬

子太白晝見六月丙午太白晝見八月  
古今注曰己酉熒惑入太微 乙卯太白

晝見閏月甲寅辰星入輿鬼己酉熒惑入太微乙卯太白晝見  
今古

注曰十二月丁卯月犯軒轅大星 太白者將軍之官又為西州晝見陰盛與君爭

明熒惑與太白相犯為兵喪流星為使聲隆隆怒之象也辰星入

輿鬼為大臣有死者熒惑入太微亂臣在廷中是時大將軍梁商

父子秉勢故太白常晝見也其四年正月祀南郊夕牲中常侍張

達遠政陽定內署令石光

集解錢大昕曰陽當作楊內署當作內者百官志有內者令惠棟曰署梁商傳

作者尙方令傅福等與中常侍曹騰孟賁爭權白帝言騰賁與商謀

反矯詔命收騰賁賁自解說順帝寤解騰賁縛達等自知事不從

各奔走或自刺解貂蟬投草中逃亡皆得免

集解錢大昕曰梁商傳云收達等悉伏誅

此云皆得免者妄也

其六年征西將軍馬賢擊西羌於北地謝姑山下父子

為羌所沒殺是其應也

四年七月壬午熒惑入南斗犯第三星五年四月戊午太白晝見

八月己酉熒惑入太微斗為貴相為揚州熒惑犯入之為兵喪其

六年大將軍商薨九江丹陽賊周生馬勉等起兵攻沒郡縣梁氏

又專權於天廷中

六年二月丁巳彗星見東方長六七尺色青白西南指營室及墳



墓星

鄒萌占曰彗星出而中營室天下亂易政以五色占之吉凶

丁丑彗星在奎一度長六尺

癸未昏見

河圖曰彗星出貫奎庫兵悉出禍在強侯外夷胡應逆首謀也

西北歷昴畢甲申在東

井遂歷與鬼柳七星張光炎及三台至軒轅中滅

古今注曰五月庚寅太白晝見

十一月甲午太白晝見

營室者天子常宮墳墓主死彗星起而在營室墳墓

不出五年天下有大喪後四年孝順帝崩昴為邊兵又為趙羌周

馬父子後遂為寇又劉文劫清河相謝嵩欲立王蒜為天子嵩不

聽殺嵩王閉門距文官兵捕誅文蒜曰惡人所劫廢為尉氏侯又

徙為犍陽都鄉侯薨國絕

集解洪頤煊曰桓帝紀清河孝王傳歷並云蒜坐貶為尉氏侯徙桂陽自殺

東井與鬼為秦皆羌所攻鈔炎及三台為三公是時太尉杜喬及

故太尉李固為梁冀所陷入坐文書死及至注張為周滅於軒轅

中為後宮其後懿獻后曰憂死梁氏被誅是其應也

漢安

古今注曰元年二月壬午歲星在太微中八月癸丑月犯南斗入魁中

二年正月己亥太白晝

見五月丁亥辰星犯輿鬼古今注曰丙辰月入斗中六月乙丑熒惑光芒犯鎮

星十月甲申太白晝見辰星犯輿鬼為大喪熒惑犯鎮星為大人

忌明年八月孝順帝崩孝沖古今注曰建康元年九月己亥太白晝見韓楊占曰天下有喪一曰有白

衣之會明年正月又崩

孝質本初元年古今注曰三月丁丑月入南斗三月癸丑熒惑入輿鬼四月辛巳

太白入輿鬼皆為大喪五月庚戌太白犯熒惑為逆謀閏月一日

孝質帝為梁冀所鳩崩

天文志中第十一 終

後漢書十一

續漢志集解第十一校補

天文志中彗星出天魁北長二尺所稍北行至亢南百三十五日

去錢大昭曰本紀章懷注引伏侯古今注作彗長三尺許見三十五日乃去此百字疑當作見

貫索貴人之牢集解惠棟曰當云賤人之牢今案前志以北斗魁中天理四星為貴人

之牢斗杓外句圍十五星為賤人之牢同繫於中宮自晉史以下則固皆以中宮北斗魁下天牢六星為貴人之牢而以下宮垣外貫索九星為賤人之牢至續志雖未言以何星別為賤人之牢而以梁松之獄為貫索之應松實貴人非賤人也又志本以天市為貴人之居故後文中平五年客星出貫索西南行入天市其占亦為貴人喪則因貫索之繫於貴人垣謂為貴人之牢詳本文並非有誤况以天文言休咎取證於後事乃五行家支流餘裔其紛而莫定久矣

長星出柳張三十七度案前書文帝紀注引文穎說長星光芒有

與楚王英黨與黃初公孫宏等交通集解惠棟曰與字衍今案上與相與

也下與黨與也不識惠何以云衍

太白入月中案昴宿七星月一星在東星經謂女主大臣之象

張周地爲東郡官本郡作都是案東亦京之譌

彗星出天市長三尺所官本三作二

十一月戊寅官本一作二是

後四年六月癸丑明德皇后崩注木水在東井官本注水作火

元和元年四月丁巳客星晨出東方錢大昭曰本紀作二年四月乙巳

七月水大漂殺人民傷五穀許侯馬光有罪自殺案本書和紀承元六年七月有

旱無水續五行志亦不載是年七月水又馬光自殺紀屬二月亦不在七月

八月甲寅水土金俱在軫注司其出入而數之案司讀爲伺

七月樂成王宗皆薨錢大昭曰宗傳作崇將兵長史吳琴坐事徵下獄死注

古今注曰八年九月官本注八年上多承元二字

遼東鮮卑太守祭參不追虜徵下獄誅案此卑下脫反字耳反太形近即涉下太字誤脫也

遼東鮮卑者鮮卑之種別本書鮮卑傳載參沮敗事亦原作遼東鮮卑上已言遼東則太守上自不必更出遼東字史例然也

錢大昕氏  
所作不當

其十四年六月辛卯陰皇后廢注西有雷聲

官本注西下有北字  
錢大昕曰西闕本作

北西

孝安永初元年五月戊寅熒惑逆行守心前星

官本五月作正月  
柳從辰曰此事不

載本書安紀據袁宏紀五月戊寅熒惑逆行  
守心志以為後周章之應是官本誤也

弟宏悝

官本闕作閻柳從辰曰本書鄧訓傳載訓五子臨京悝  
宏闕袁宏紀闕作閻闕與闕均於臨京悝宏義為近闕

閻斷皆誤字而以閻闕形  
似求之知本字仍當為閻

三年正月 己亥太白入斗中

案本書楊厚傳作二年章懷注引  
續志文釋之此志刻令注亦引厚

傳文說之皆不言年有異必厚傳原亦是三年今本誤耳否則  
二年正月太白乃晝見不能辨其所入又其日為戊子志載甚

明章懷引志不應據為正月  
己亥而不著其年之異也

後太尉張敏免官集解錢大昕曰

至星變或屬此人耳  
侯康曰敏未嘗為太

尉盧氏羣書拾補據御覽八百七十五補  
五字云後太尉張禹司空張敏皆免官

二年九月辛酉熒惑入與鬼

官本鬼下有中字

己亥在虛危南至胃昴注民間食貴

官本注無開字

太白犯昴畢為近兵

原脫昴字錢校據閩本補查志文本承上延光二年以來言之三年二月辛未太白犯昴

五月癸丑太白入畢自不應單言犯畢今從之官本不脫

其於死亡誅戮兵起宮中是其應注公子牙謀殺君

官本注殺作弒

陽嘉元年閏月戊子集解惠棟曰案郎顛傳閏十月也

今案本書順紀陽嘉

元年客星出天苑明為閏十二月戊子郎顛傳雖作閏十月十七日己丑夜有白氣從西方天苑趨左足入玉井而章懷傳注仍云元年閏十二月己丑夜白氣入玉井戊子之於己丑僅先一日明係前夜候見客星出天苑其氣白次夜候之白氣彌盛見氣不見星故己丑專就白氣言之而顛傳之閏十月實本閏十二月誤脫二字也否則注與傳岐元年豈當有兩閏月乎

至十餘年乃息注臣昭案郎顛傳至環繞軒轅

今案據顛傳尚有元年八月二十四

日戊辰熒惑歷與鬼東入軒轅出后星北東去四度北旋復還一事並云出入軒轅繞還往來此非候之已久不能詳著其異蓋起上年八月至次年正月其象仍如此而二年所謂熒惑失度盈縮往來即指此也

其六年征西將軍馬賢擊西羌於北地謝姑山下

馬原諱馮據順紀正官本不誤

謝紀作射已詳卷六校補

十月甲辰太白晝見

官本十月作七月



天文志下第十二 桓三十八 靈二十 獻九 贖石 後漢書十二

梁 刻 令劉 昭注補

王先謙集解

孝桓建和元年八月壬寅熒惑犯輿鬼質星二年二月辛卯熒惑  
行在輿鬼中三年五月己丑太白行入太微右掖門畱十五日出  
端門丙申熒惑入東井八月己亥鎮星犯輿鬼中南星乙丑彗星  
芒長五尺見天市中東南指色黃白九月戊辰不見熒惑犯輿鬼  
為死喪質星為戮臣入太微為亂臣鎮星犯輿鬼為喪彗星見天  
市中為質貴人至和平元年十二月甲寅梁太后崩 集解錢大昕曰桓帝紀在

二月此 梁冀益驕亂矣 衍十字

元嘉元年二月戊子太白晝見永興二年閏月丁酉太白晝見時  
上幸後宮采女鄧猛明年封猛兄演為南頓侯後四歲梁皇后崩

梁冀被誅猛立爲皇后恩寵甚盛

永壽元年三月丙申鎮星逆行入太微中七十四日去左掖門七月己未辰星入太微中八十日去左掖門八月己巳熒惑入太微二十一日出端門太微天子廷也鎮星爲貴臣妃后逆行爲匿謀辰星入太微爲大水一曰後宮有憂是歲雒水溢至津門南陽大水熒惑入太微中又爲亂臣是時梁氏專政九月己酉晝有流星長二尺所色黃白癸巳熒惑犯歲星爲姦臣謀大將戮

二年六月甲寅辰星入太微遂伏不見辰星爲水爲兵爲妃后八月戊午太白犯軒轅大星爲皇后其三年四月戊寅熒惑入東井口中爲大臣有誅者其七月丁丑太白犯心前星爲大臣後二年四月懿獻皇后已憂死集解洪亮吉日四月應作七月志誤大將軍梁冀使太倉令秦宮司殺議郎邴尊又欲殺邴后母宣事覺桓帝收冀及妻壽襄

城君印綬皆自殺誅諸梁及孫氏宗族或徙邊是其應也

延熹四年三月甲寅熒惑犯輿鬼質星五月辛酉客星在營室稍

順行生芒長五尺所至心一度轉爲彗熒惑犯輿鬼質星大臣有

戮死者五年十月南郡太守李肅坐蠻夷賊攻盜郡縣取財物一

億已上入府取銅虎符肅皆敵走不救城郭集解先謙曰官本皆作背是又監

黎陽謁者燕喬坐賊重泉令彭良殺無辜皆棄市京兆虎牙都尉

宋謙坐賊下獄死集解錢大昕曰桓帝紀作宗謙客星在營室至心作彗爲大喪

後四年鄧后曰憂死

六年十一月丁亥太白晝見是時鄧后家貴盛

七年七月戊辰星犯歲星八月庚戌熒惑犯輿鬼質星庚申歲

星犯軒轅大星十月丙辰太白犯房北星丁卯辰星犯太白十二

月乙丑熒惑犯軒轅第二星辰星犯歲星爲兵熒惑犯質星有戮

臣歲星犯軒轅爲女主憂集解惠棟曰襄楷傳熒惑與歲星俱入軒轅逆行四十餘日太白犯

房北星爲後宮其八年二月太僕南鄉侯左勝曰罪賜死集解錢

桓帝紀宦者傳俱作左稱趙岐傳中常侍左宿兄勝勝弟中常侍上蔡侯愴北鄉侯黨皆自

殺癸亥皇后鄧氏坐執左道廢遷于祠宮死集解陳景雲曰祠當作桐和帝陰皇后廢

遷桐宮事見皇宗親侍中泚陽侯鄧康河南尹鄧萬集解錢大昕

字蓋唐人避諱去之越騎校尉鄧弼虎賁中郎將安鄉侯鄧魯集

爰延傳亦作鄧萬侍中監羽林左騎鄧德右騎鄧壽昆陽

侯鄧統清陽侯鄧秉議郎鄧循皆繫暴室萬魯死康等免官又荆

州刺史芝交阯刺史葛祗皆爲賊所拘略桂陽太守任胤背敵走

皆棄市熒惑犯輿鬼質星之應也

八年五月癸酉太白犯輿鬼質星壬午熒惑入太微右執法閏月

己未太白犯心前星十月癸酉歲星犯左執法十一月戊午歲星

入太微犯左執法九年正月壬辰歲星入太微中五十八日出端  
門六月壬戌太白行人與鬼七月乙未熒惑行與鬼中犯質星九  
月辛亥熒惑入太微西門積五十八日永康元年正月庚寅熒惑  
逆行入太微東門畱太微中百一日出端門七月丙戌太白晝見  
經天太白犯心前星太白犯與鬼質星有戮臣熒惑入太微爲賊  
臣太白犯心前星爲兵喪歲星入太微犯左執法將相有誅者歲  
星入守太微五十日占爲人主太白熒惑入與鬼皆爲死喪又犯  
質星爲戮臣熒惑畱太微中百一日占爲人主太白晝見經天爲  
兵憂在大人其九年十一月太原太守劉瓚南陽太守成瑨皆坐  
殺無辜集解惠棟曰瓚殺小黃門趙津瑨殺南陽大猾張汎皆誅  
有罪而云殺無辜謬矣或當時坐罪之名史官不及追改  
也 荆州刺史李隗爲賊所拘尙書郎孟瑤坐受金漏言皆棄市集  
洪亮吉曰案桓紀瓚瓚棄市承九月光祿勳周景爲太永康元年  
尉下不月著月據此則太尉下應增十一月三字爲是

十二月丁丑桓帝崩太傅陳蕃大將軍竇武尚書令尹勳黃門令  
山冰等皆枉死太白犯心熒惑畱守太微之應也

孝靈帝建寧元年六月太白在西方入太微犯西蕃南頭星太微  
天廷也太白行其中宮門當閉大將被甲兵大臣伏誅其八月太  
傅陳蕃大將軍竇武謀欲盡誅諸宦者其九月辛亥中常侍曹節  
長樂五官史朱瑀覺之矯制殺蕃武等家屬徙日南比景集解洪亮吉曰

辛亥靈紀  
作丁亥

熹平元年十月熒惑入南斗中占曰熒惑所守爲兵亂斗爲吳其  
十一月會稽賊許昭聚眾自稱大將軍昭父生爲越王攻破郡縣  
二年四月有星出文昌入紫宮蛇行有首尾無身赤色有光焰垣  
牆八月丙寅太白犯心前星辛未白氣如一匹練衝北斗第四星  
占曰文昌爲上將貴相太白犯心前星爲大臣後六年司徒劉羣

爲中常侍曹節所譖下獄死

集解錢大昕曰案熹平之世司徒無下獄死者惟光和二年劉郃以謀謀

宦官下獄死羣當爲郃之謫也自熹平二年至光和二年相距恰六載惠棟曰羣本紀作郃

白氣衝北斗爲大

戰明年冬揚州刺史臧旻丹陽太守陳寅攻盜賊苴康斬首數千

級集解惠棟曰寅本紀作寅

光和元年四月癸丑流星犯軒轅第二星東北行入北斗魁中八

月彗星出亢北入天市中長數尺稍長至五六丈赤色經歷十餘

宿八十餘日乃消於天苑中流星爲貴使軒轅爲內宮北斗魁主

殺流星從軒轅出抵北斗魁是天子大使將出有伐殺也至中平

元年黃巾賊起上遣中郎將皇甫嵩朱雋等征之斬首十餘萬級

彗除天市天帝將徙帝將易都至初平元年獻帝遷都長安

三年冬彗星出狼弧東行至于張乃去張爲周地彗星犯之爲兵

亂後四年京都大發兵擊黃巾賊

五年四月熒惑在太微中守屏七月彗星出三台下東行入太微  
至太子幸臣二十餘日而消十月歲星熒惑太白三合於虛相去  
各五六寸如連珠占曰熒惑在太微爲亂臣是時中常侍趙忠張  
讓郭勝孫璋等集解惠棟曰勝南陽人一作厥見袁紀竝爲姦亂彗星入太微天下  
易主至中平六年宮車晏駕歲星熒惑太白三合於虛爲喪虛齊  
地明年琅邪王據薨

光和中國皇星東南角去地一二丈如炬火狀十餘日不見占曰  
國皇星爲內亂外內有兵喪其後黃巾賊張角燒州郡朝廷遣將  
討平斬首十餘萬級中平六年宮車晏駕大將軍何進令司隸校  
尉袁紹私募兵千餘人陰踣雒陽城外竊呼并州牧董卓使將兵  
至京都共誅中官對戰南北宮闕下死者數千人燔燒宮室遷都  
西京及司徒王允與將軍呂布誅卓卓部曲將郭汜李傕旋兵攻



長安公卿百官吏民戰死者且萬人天下之亂皆自內發

中平二年十月癸亥客星出南門中大如半筵五色喜怒稍小至後年六月消占曰爲兵至六年司隸校尉袁紹誅滅中官大將軍部曲將吳匡攻殺車騎將軍何苗死者數千人

三年四月熒惑逆行守心後星十月戊午月食心後星占曰爲大喪後三年而靈帝崩

五年二月彗星出奎逆行入紫宮後三出六十餘日乃消六月丁卯客星如三升椀出貫索西南行入天市至尾而消占曰彗除紫宮天下易主客星入天市爲貴人喪明年四月宮車晏駕中平中夏流星赤如火長三丈起河鼓入天市抵觸宦者星色白長二三丈後尾再屈食頃乃滅狀似枉矢占曰枉矢流發其宮射所謂矢當直而枉者操矢者邪枉人也中平六年大將軍何進謀盡誅中

官中官於省中殺進俱兩破滅天下由此遂大壞亂

六年八月丙寅太白犯心前星戊辰犯心中大星其日未冥四刻  
大將軍何進於省中爲諸黃門所殺己巳車騎將軍何苗爲進部  
曲將吳匡所殺

孝獻初平二年九月蚩尤旗見長十餘丈色白出角亢之南占曰  
蚩尤旗見則主征伐四方其後丞相曹公征討天下且三十年

四年十月孛星出兩角間東北行入天市中而滅占曰彗除天市  
天帝將徙帝將易都是時上在長安後二年東遷明年七月至雒  
陽其八月曹公迎上都許

建安五年十月辛亥有星孛于大梁冀州分也時袁紹在冀州其  
年十一月紹軍爲曹公所破七年夏紹死後曹公遂取冀州

九年十一月有星孛于東井輿鬼入軒轅太微

集解洪亮吉日案  
獻紀作十月先謀

曰官本連  
下文是

十一年正月星孛于北斗首在斗中尾貫紫宮及北辰占曰彗星  
掃太微宮人主易位其後魏文帝受禪

十二年十月辛卯有星孛於鶉尾荆州分也時荆州牧劉表據荆

州時益州從事周羣曰荆州牧將死而失土集解惠棟曰蜀志曰羣字仲直巴西閬中

也明年秋表卒曰小子琮自代曹公將伐荆州琮懼舉軍詣公降

十七年十二月有星孛於五諸侯周郡曰為西方專據土地者皆

將失土集解先謙曰官本郡作羣是是時益州牧劉璋據益州漢中太守張魯別

據漢中韓遂據涼州宋建別據枹罕集解官本考證曰何焯校本宋改宗明年冬曹

公遣偏將擊涼州十九年獲宋建韓遂逃於羌中病死其年秋璋

失益州二十年秋曹公攻漢中魯降

十八年秋歲星鎮星熒惑俱入太微逆行畱守帝坐百餘日占曰

歲星入太微人主改集解洪亮吉曰案獻紀守帝坐五十日與此

鎮星入太微內有兵亂人主以弱三者漢改姓易代之異也

二十三年三月孛星晨見東方二十餘日夕出西方犯厯五車東

井五諸侯文昌軒轅后如太微鋒炎指帝坐集解惠棟曰指一作刺占曰除

舊布新之象也

鳩帝延平元年九月乙亥隕石陳畱四春秋僖公十六年隕石于

宋五傳曰隕星也董仲舒曰為從高及下之象或曰為庶人惟星

隕民困之象也

桓帝延熹七年三月癸亥隕石右扶風一鄂又隕石二皆有聲如

雷

續漢志集解第十二校補

天文志下

案此志下編全編無注

又荊州刺史芝交阯刺史葛祗皆為賊所

拘略桂陽太守任盾背敵走皆棄市

案荊州刺史芝志逸其姓莫詳何人據本書桓紀延

熹七年七月荊州刺史度尚擊零陵桂陽盜賊及變夷大破平之八年五月桂陽胡蘭朱蓋復反遣中郎將度尚長沙太守抗徐等擊蘭蓋等大破斬之蒼梧太守張敘為賊所執又桂陽太守任盾背敵畏懦皆棄市又據度尚傳尚即於七年遷桂陽太守明年徵還京師胡蘭等反以為中郎將與紀合芝殆即七年代尚為荊州刺史者任盾即入年代尚為桂陽太守者顧范書初無荊州交阯刺史被賊拘執之事志則並載九年荊州刺史李隗亦為賊所拘棄市至桓紀與任盾同棄市之蒼梧太守張敘坐為賊執志反不及恐不能無誤也

孝靈帝建甯元年

至家屬徙日南比景

今案建甯失政之大尚有二年冬十月侯覽諷有司

奏舉虞放杜密李膺等與鉤黨之獄捕殺天下豪傑及儒學行義者實為人亡國瘁之所本天文如可據何反不及其亦疏矣

時益州從事周羣曰荊州牧將死而失土

案文時字衍呂下脫為字

昭小子琮自代

自本代譌伐

五行志一第十三

貌不恭 淫雨 服妖 雞鵠 青眚  
屋自壞 訛言 旱 諸 狼食人

後漢書十三

梁

劄

令劄 昭注補

王先謙集解

五行傳說及其占應漢書五行志錄之詳矣故泰山太守應劭給

事中董巴散騎常侍譙周蜀志曰周字允南巴西西充國人也治尚書兼通諸經及圖緯州郡辟請皆不

應耽古篤學誦讀典籍欣然獨竝撰建武已來災異今合而論之

笑以亡寢食蜀亡魏徵不至目集解先謙曰續志並依五行傳撰論每卷下另標題

之 曰續前志云目集解先謙曰續志並依五行傳撰論每卷下另標題

五行傳曰田獵不宿鄭玄注尚書大傳曰不宿不宿禽也角去

合圍諸侯不掩羣過此則暴天物為不宿禽角南有飲食不享

天庫將軍騎官漢書音義曰遊田馳騁不反宮室乾豆二為賓客

曰享獻也禮志曰天子諸侯無事則歲三田一為乾豆二為賓客三為充君之庖周禮獸人冬獻狼夏獻麋春秋獻獸物此獻禮之

大略也注五行稱鄭玄曰皆出注出入不節鄭玄曰角為天門房

大傳也漢書音義曰無獻享之禮鄭玄曰角為天之象也

集解惠棟曰易說卦曰震為大塗鄭氏注云國中

三道曰塗震上直房心塗而大者取房有三塗焉

心農時之候也季冬之月命農師計耦耕事是時

房心農中春秋傳曰辰為農祥后稷之所經緯也

為朝廷房心為明則木不曲直鄭玄曰君行此五者為逆天東宮

堂謀事出政之象則木不曲直之政東宮於地為木木性或曲或

直人所用為器也無故生不暢茂多折槁是為木不曲直木金水

火土謂之五行春秋傳曰天生五材民並用之其政逆則神怒神

怒則材失性不為民用其他變異皆屬診診亦神怒凡神怒者日

月五星既見適於天矣洪範木曰曲直孔安國曰不可以揉曲直

謂木失其性而為災也又曰貌之不恭是謂不肅鄭玄曰肅敬也

不能敬其事也

洪範曰貌曰恭厥咎狂鄭玄曰君臣不敬則倨慢如狂方備對厥

罰恒雨鄭玄曰貌曰木木主春春氣生生氣失則踰其節故常雨

南子曰金不厥極惡注云生國曰醜陋集解惠棟曰鄭時則有服妖

收則多淫雨厥極惡注云生國曰醜陋集解惠棟曰鄭時則有服妖

鄭玄曰服時則有龜孽鄭玄曰龜蟲之生於木時則有雞禍鄭玄曰

貌之飾也時則有龜孽鄭玄曰龜蟲之生於木時則有雞禍鄭玄曰

有冠翼者也屬貌洪範傳曰妖者敗胎也少小之類言其事之尚

微也至孽則牙孽也至乎禍則著矣集解惠棟曰注洪範傳其稱

微也至孽則牙孽也至乎禍則著矣集解惠棟曰注洪範傳其稱

微也至孽則牙孽也至乎禍則著矣集解惠棟曰注洪範傳其稱

微也至孽則牙孽也至乎禍則著矣集解惠棟曰注洪範傳其稱

微也至孽則牙孽也至乎禍則著矣集解惠棟曰注洪範傳其稱

漢劉傳則劉時則有下體生上之病也鄭玄曰病病也貌氣失之病

向所撰也時則有下體生上之病也漢書音義曰若梁孝王之

時牛足反出背上也時則有青眚青祥此祥自外來也集解先謙

此下欲伐上之禍日前志每一事云時則以絕之言非惟金沴木

必俱至或有或亡或在或在後也惟金沴木貌言視聽思心一

事失則逆人之心人心逆則怨木金水火土氣為之傷傷則衝勝

來乘珍之於是神怒人怨將為禍亂故五行先見變異以謹告人

也及妖孽禍病皆其氣類暴作非常為時怪者也各以物象

為之占也集解惠棟曰前書五行志曰凡貌傷者病木氣木氣病

則金沴之衝氣相通也金說云氣之相傷謂之沴尚書大傳曰凡

與木對金勝木故云衝勝說云氣之相傷謂之沴尚書大傳曰凡

朝月之朝日之朝則后王受之歲之中月之中日之中則正卿受

之歲之夕月之夕日之夕則庶民受之鄭玄曰自正月為歲之夕上

旬為月之朝中甸為月之中下旬為月之夕平旦至食時為日之

朝隅中至日跌為日之中曠時至黃昏為日之夕受之受其凶咎

也大傳又云其二辰以次相將其次受之鄭玄曰二辰謂日月也

假今歲之朝也日月中則上公受之日月夕則下公受之歲之中

也日月朝則孤卿受之日月夕則大夫受之歲之夕也日月朝則

上士受之日月中則下士受之其餘差以尊卑多少則悉矣管子

曰明王有四禁春無殺伐無割大陵伐大木斬大山行大火誅大

臣收穀賦錢夏無過水達名川塞大谷動土功射鳥獸秋無赦過

釋罪緩刑冬無爵賞祿傷伐五藏故春政不禁則五穀不成夏政

後莫志十三



不禁則草木不榮秋政不禁則姦邪不勝冬政不禁則地氣不肅  
 四者俱犯則陰陽不和風雨不時火流邑大風飄屋折樹木地草  
 天冬雷草木夏落而秋蟲不藏宜死者生宜蟄者鳴多勝蟄蟲也  
 六畜不蕃民多天死國貧法亂逆氣下生故曰臺榭相望者亡國  
 之簾也馳車充國者追察之馬也翠羽朱飾者斬生之斧也五采  
 纂組者蕃功之室也明王知其然故遠而不近能去此取彼則王  
 道備也續漢書曰建武二年尹敏上疏曰六沴作見若是供御帝  
 用不差神則大喜五福乃降用章於下若不供御六罰既侵六極  
 其下明供御則天報之福不供御則禍災至欲尊六事之體則貌  
 言視聽思心之用合六事之換以致乎太平而消除懣阿孽害也  
 建武元年赤眉賊率樊崇逢安等共立劉盆子為天子然崇等視  
 之如小兒百事自由初不恤錄也後正旦至君臣欲共饗既坐酒  
 食未下羣臣更起亂不可整時大司農楊音案劔怒曰小兒戲尙  
 不如此其後遂破壞崇安等皆誅死唯音為關內侯呂壽終  
 光武崩山陽王荆哭不哀作飛書與東海王勸使作亂明帝呂荆  
 同母弟太后在故隱之後徙王廣陵荆遂坐復謀反自殺也  
 章帝時竇皇后兄憲呂皇后甚幸於上故人人莫不畏憲憲於是

強請奪沁水長公主田公主畏憲與之憲乃賤願之後上幸公主  
田覺之問憲憲又上言借之上旨后故但譴勅之不治其罪後章  
帝崩竇太后攝政憲秉機密忠直之臣與憲忤者憲多害之其後  
憲兄弟遂皆被誅

桓帝時梁冀秉政兄弟貴盛自恣好馳驅過度至於歸家猶馳驅  
入門百姓號之曰梁氏滅門馳驅後遂誅滅集解先謙曰

和帝永元十年十三年十四年十五年皆淫雨傷稼古今注曰光

九月大雨連月苗稼更生鼠巢樹上十七年雒陽暴雨壞民廬舍壓殺人傷害禾稼

安帝元年四年秋郡國十淫雨傷稼方儲對策曰雨不時節妄賞

儲字聖明丹陽飲人曉風角占候為章句洪頤煊曰藝文類聚卷  
入十入引後漢方儲字聖明遭母憂負土成墳松柏數十株鸛鳥  
棲其上白兔遊其下御覽卷三百四十五引謝承後漢書曰丹陽  
方儲為郎中章帝使文郎居左武郎居右儲正任中曰臣文武兼  
備上所施用上嘉其才以繁亂絲付儲使理之儲拔佩刀三斷之  
書曰反經任勢臨事宜然又歛縣志有方儲傳云方儲字聖公精

孟氏易通圖識建初四年舉孝廉又舉賢良方正對策為天下第一  
 五年春二月庚辰朔日有食之詔舉直言極諫之士丹陽太守  
 周韶以儲進儲極言天降災咎之由上召見儲等試解琴絲眾莫  
 能理儲拔劍斷絲對曰反經任勢臨事宜然上深偉之除郎中尋  
 出為句曲令六年遷阜陵令遺母喪負土成墳種松柏嘉木數十  
 本致鸞鶴白兔之瑞元和初轉洛陽令和帝永元五年六月將郊  
 祭以儲善天文問之勸帝毋往其日天晴明帝遂行詔責其欺儲  
 曰臣受書先師推步萌兆今咎時且至願乘輿亟還使者去儲嘆  
 曰為人臣恥蒙不忠名遂自殺比駕還雨雹大如雁子鹵簿後乘  
 士皆疾馳去帝大驚使召儲儲已死帝甚傷之追贈太常尚書令  
 封駉侯詔護其喪還葬世皆言聖公仙去於是民皆朝祀之兄濟  
 南郡太守儼丹陽太守剛果皆類儲注云出元祕書李孝光集疑  
 是謝承書之文先謙曰

永寧元年郡國三十三淫雨傷稼 建

光元年京都及郡國二十九淫雨傷稼 集解錢大昕曰續志凡京

官志間有作京師 是時羌反久未平百姓屯戍不解愁苦 延光

元年郡國二十七淫雨傷稼 案本傳陳忠奏以為王侯二千石

二年郡國五連雨傷稼 為女使伯榮獨拜車下柄在臣妾

順帝永建四年司隸荊豫兗冀部淫雨傷稼 六年冀州淫雨傷

稼

桓帝延熹二年夏霖雨五十餘日是時大將軍梁冀秉政謀害上

所幸鄧貴人母宣冀又擅殺議郎邴尊上欲誅冀懼其持權日久

威勢強盛恐有逆命害及吏民密與近臣中常侍單超等圖其方

略其年八月冀卒伏罪誅滅

案公沙穆傳永壽元年霖雨大水三輔以東莫不涇沒

靈帝建寧元年夏霖雨六十餘日是時大將軍竇武謀變廢中官

其年九月長樂五官吏朱瑀等共與中常侍曹節起兵先誅武交

兵闕下敗走追斬武兄弟死者數百人

案武死無兄弟有兄子

熹平元年

夏霖雨七十餘日是時中常侍曹節等共誣白勃海王愷謀反其

十月誅愷中平六年夏霖雨八十餘日是時靈帝新棄羣臣大

行尙在梓宮大將軍何進與佐軍校尉袁紹等共謀欲誅廢中官

下文陵畢中常侍張讓等共殺進兵戰京都死者數千

案解先謀日以上恒

更始諸將軍過雒陽者數十輩皆幘而衣婦人衣繡擁髻集解錢大昕曰

光武紀作繡驅惠棟曰時智者見之曰為服之不中身之災也乃

奔入邊郡避之是服妖也其後更始遂為赤眉所殺

桓帝元嘉中京都婦女作愁眉啼粧墮馬髻折要步齟齬笑所謂

愁眉者細而曲折啼粧者薄拭目下若啼處墮馬髻者作一邊梁

列傳曰莫婦女又有不聊生髻折要步者足不在體下齟齬笑者若齒痛樂不欣

欣始自大將軍梁冀家所為京都歛然諸夏皆放效此近服妖也

梁冀二世上將婚媾王室大作威福將危社稷天誠若曰兵馬將

往收捕婦女憂愁蹙眉啼泣吏卒掣頓折其要脊令髻傾邪雖強

語笑無復氣味也到延熹二年舉宗誅夷

延熹中梁冀誅後京都幘顏短耳長短上長下時中常侍單超左

愴徐璜具瑗唐衡在帝左右縱其姦惡海內愠曰一將軍死五將軍出家有數侯子弟列布州郡賓客雜襲騰翦上短下長與梁冀同占到其八年桓帝因日蝕之變乃拜故司徒韓寅爲司隸校尉曰次誅鉏京都正清

臣昭案本傳寅誅左愴貶具瑗雖剋折姦首羣閹相蒙京都未爲正清集歷官本考證云

寅當作寅

延熹中京都長者皆著木屐婦女始嫁至作漆畫五采爲系此服妖也到九年黨事始發傳黃門北寺臨時惶惑不能信天任命多有逃走不就考者九族拘繫及所過歷長少婦女皆被桎梏應木屐之象也

靈帝建寧中京都長者皆曰葦方笥爲粧具下士盡然時有識者竊言葦方笥郡國讞篋也今珍用之此天下人皆當有罪讞於理官也到光和三年癸丑赦令詔書吏民依黨禁錮者赦除之有不

見文他曰類比疑者讞於是諸有黨郡皆讞廷尉人名悉入方笥中

靈帝好胡服胡帳胡床胡坐胡飯胡箜篌胡笛胡舞京都貴戚皆競為之此服妖也其後董卓多擁胡兵填塞街衢虜掠宮掖發掘陵園

靈帝於宮中西園駕四白驢躬自操轡驅馳周旋曰為大樂於是公卿貴戚轉相放效至乘輜駟曰為騎從互相侵奪賈與馬齊案易曰時乘六龍曰御天行天者莫若龍行地者莫如馬詩云四牡騤騤載是常服檀車煌煌四牡彭彭夫驢乃服重致遠上下山谷野人之所用耳何有帝王君子而驂服之乎遲鈍之畜而今貴之天意若曰國且大亂賢愚倒植凡執政者皆如驢也

為令僕乃知此語有本

其後董卓陵虐王室多援邊人目充本朝胡夷異種

集解惠棟曰如汝人才皆

跨踏中國

熹平中省內冠狗帶綬曰為笑樂有一狗突出走入司徒府門或

見之者莫不驚怪袁山松書曰光和四年又於西園弄狗以配京

房易傳曰君不正臣欲篡厥妖狗冠冠出後靈帝寵用便嬖子弟永

樂賓客鴻都羣小傳相汲引集解惠棟曰公卿牧守比肩是也又

遣御史於西邸賣官關內侯顧五百萬者賜與金紫詣闕上書占

令長隨縣好醜豐約有賈強者貪如豺虎弱者略不類物實狗而

冠者也司徒古之丞相壹統國政天戒若曰宰相多非其人尸祿

素餐莫能據正持重阿意曲從今在位者皆如狗也故狗走入其

門應劭曰靈帝數以車騎將軍過拜孽臣內孽又贈亡人顯號加

雲集不亦宜乎

靈帝數遊戲於西園中令後宮采女為客舍主人身為商賈服行



至舍采女下酒食因其飲食以為戲樂此服妖也集解惠棟曰玉

欲失位降在其後天下大亂風俗通曰時京師賁婚嘉會皆作魁

卑隸之徵也樂挽歌執紼相偶和之者天戒若曰國家當急殄悴諸費樂皆死

亡也自靈帝崩後京師壞滅戶有兼屍處而相食魁標挽歌斯之

獻帝建安中男子之衣好為長躬而下甚短女子好為長裙而上

甚短時益州從事莫嗣曰為服妖是陽無下而陰無上也天下未

欲平也後還遂大亂袁山松書曰禪位於魏

靈帝光和元年南宮侍中寺雌雞欲化雄一身毛皆似雄但頭冠

尚未變詔曰問議郎蔡邕邕對曰貌之不恭則有雞禍 宣帝黃龍

元年集解先謙曰官本不空格是未央宮雌雞化為雄不鳴無距是歲元帝初

即位立王皇后至初元元年丞相史家雌雞化為雄冠距鳴將是

歲后父禁為平陽侯集解錢大昕曰平陽當作陽女立為皇后至

平陽侯

哀帝晏駕后攝政王莽曰后兄子爲大司馬由是爲亂臣竊推之  
頭元首人君之象今雞一身已變未至於頭而上知之是將有其  
事而不遂成之象也若應之不精政無所改頭冠或成□爲患茲  
大是後張角作亂稱黃巾遂破壞四方疲於賦役多叛者上不政  
政遂致天下大亂集解何焯曰在侍中寺者北宮省臣將有雌化  
爲雄者曹氏之祥也莽后族操閹孽其占同惟  
冠未變者至于丕乃篡  
盜也先謙曰以上雞禍

桓帝永興二年四月丙午光祿勳吏舍壁下夜有青氣視之得玉  
鈎玦各一鈎長七寸二分集解惠棟曰視東觀記作掘又周五寸  
分下東觀記有玦字符瑞志同

周五寸四分身中皆雕鏤此青祥也玉金類也七寸二分商數也五寸四  
分徵數也商爲臣徵爲事蓋爲人臣引決事者不謂將有禍也是

時梁冀秉政專恣後四歲梁氏誅滅也集解先謙曰  
以上青祥

延熹五年太學門無故自壞襄楷曰爲太學前疑所居本傳楷書  
無前疑之

也言其門自壞文德將喪教化廢也是後天下遂至喪亂

永康元年十月壬戌南宮平城門內屋自壞金沴木木動也其十二月宮車晏駕

靈帝光和元年南宮平城門內屋武庫屋及外東垣屋前後頓壞

集解惠棟曰紀以爲蔡邕對曰平城門正陽之門與宮連郊祀法

熹平六年二月事駕所由從出門之最尊者也武庫禁兵所藏東垣庫之外障易傳

曰小人在位上下咸悖厥妖城門內崩潛潭巴曰宮瓦自墮諸侯

強陵主此皆小人顯位亂法之咎也其後黃巾賊先起東方庫兵

大動皇后同父兄何進爲大將軍同母弟苗爲車騎將軍兄弟竝

貴盛皆統兵在京都其後進欲誅廢中官爲中常侍張讓段珪等

所殺兵戰宮中闕下更相誅滅天下兵大起 三年二月公府駐

駕廡自壞南北三十餘間集解洪亮吉曰案靈帝紀注引此志又云四十餘間未知誰誤先謙曰官本空

格皆 中平二年二月癸亥廣陽城門外上屋自壞也

獻帝初平二年三月長安宣平城門外屋無故自壞至三年夏司

徒王允使中郎將呂布殺太師董卓夷三族袁山松書曰李傕等

策解何焯曰占在王允不在卓也袁書是李

興平元年十月長安市門無故自壞至二年春李傕郭汜鬪長安

中傕迫劫天子移置傕塢盡燒宮殿城門官府民舍放兵寇鈔公

卿曰下冬天子東還雒陽傕汜追上到曹陽虜掠乘輿輻重殺光

祿勳鄧淵廷尉宣璠少府田邠等數十人策解洪亮吉曰案獻紀

展沮傷而不著田邠與此不同先謙曰以上金診

五行傳曰好攻戰鄭玄注曰參伐為輕百姓鄭玄注曰輕之者不

出不正反戰飾城郭鄭玄注曰昂畢間為天街甘氏經曰天街保

入不正勝也則金不從革鄭玄注曰君行此四者為逆天

保侵邊境鄭玄曰畢則金不從革鄭玄注曰君行此四者為逆天

從刑而革人所為器者也無故治之不銷或入火飛亡或鑄之  
裂形是為不從革其他變異皆屬沴也洪範曰從革作辛馬融曰  
金之性從人而更可銷鍊也漢書音義曰言人君言不見謂金失  
從則金鐵亦不從人意集解惠棟曰注從人而更人作火謂金失  
其性而為災也又曰言之不從是謂不父鄭玄曰父治也君言不  
從則不能治其事也  
集解先謙曰官厥咎僭鄭玄曰君臣不厥罰恒陽鄭玄曰金主秋  
本言下無之字故常陽也春秋考異郵曰君行非是則言不見從言不見從則下  
不治下不治則僭差過制度奢侈驕秦天子僭天大夫僭人主諸  
侯僭上陽無以制從心之喜上憂下則常陽從之推設其蹟考之  
天意則大旱不雨而民庶大災傷淮南子曰殺不辜則國赤地集  
解先謙曰官本陽無以制厥極憂鄭玄曰殺氣失時則有詩妖鄭  
作陽餘正文及注皆作賜故於人為憂  
曰詩之時則有介蟲之孽鄭玄曰蝮蝥蟬之類生時則有犬禍  
言志也於火而藏於秋者也屬金  
鄭玄曰犬畜之以時則有口舌之病鄭玄曰言時則有白眚白祥  
口吠守者屬言氣失之病

惟木沴金介蟲劉歆傳曰為毛蟲又治也

安帝永初元年十一月民訛言相驚司隸并冀州民人流移時鄧

太后專政婦人目順為道故禮夫死從子之命今專主事此不從

而僭也

古今注曰章帝建初五年東海魯國東平山陽濟陰陳留民訛言相驚有賊捕至京師民皆入城也集解先謙曰以上

言不從

世祖建武

古今注曰建武三年七月雒陽大旱帝至南郊求雨即日雨

五年夏旱京房傳曰欲

德不用茲謂張厥災荒其旱陰雲不雨變而赤因四陰眾出過時

茲謂廣其旱不生上下皆蔽茲謂隔其旱天赤三月時有雹殺飛

禽上緣求地茲謂僭其旱三月太温亡雲君高臺府茲謂犯陰侵

陽其旱萬物根死有火災庶位踰節茲謂僭其旱澤物枯為火所

傷春秋考異郵曰國大旱冤獄結旱者陽氣移精不施君上失制

不舒陽偏不施又云陽偏民怨徵也在所以感之者上奢則求多

去之則夏旱方儲對策曰百姓苦土卒煩碎責租稅失中暴師外

營經歷三時內有怨女外有曠夫王者熱推其祥揆合於天圖之

誅軍多過時

古今注曰建武六年六月九年春十二年五月二十

十五年八月十  
八年三月並旱

章帝章和二年夏旱時章帝崩後竇太后兄弟用事奢僭古今注曰建初

二年夏雒陽旱四年夏元和元年春並旱案楊終傳建初元年大旱穀貴終以為廣陵楚淮陽濟南之獄徒者數萬人吏民怨曠上

疏云久旱孔叢曰建初元年大旱天子憂之侍御史孔豐乃上疏曰臣聞為不善而災報得其應也為善而災至遭時運也陛下即

位日淺視民如傷而不幸耗旱時運之會耳非政教所致也昔成湯遭旱因自責省畋散積減御損食而大有年意者陛下未為成

湯之事焉天子納其言而從之三日雨即降轉拜黃門郎典東觀事

和帝永元六年秋京都旱時雒陽有冤囚和帝幸雒陽寺錄囚徒

理冤囚收令下獄抵罪行未還宮澍雨降古今注曰永元二年郡國十四旱十五年丹陽

郡國二十二並旱或傷稼安帝古今注曰永初元年郡國入旱分遣議郎請雨案本紀二年五月旱皇太后幸雒陽寺錄囚徒即日

大雨雞去旱得水無救為災

永初六年夏旱古今注曰三年郡國八七年夏旱 元初元年

夏旱 二年夏旱三年夏旱時西羌寇亂六年夏旱古今注曰

軍屯相繼連十餘年

郡國四早延光元年郡國五並早傷稼集解  
先謙曰官本永初下每空格皆提行下並同

順帝永建三年夏旱 五年夏旱 陽嘉二年夏旱時李固對策

曰為奢僭所致也臣昭案本紀元年二月京師旱郎顛傳人君恩澤不施於民祿去公室臣下專權所致也又周

舉傳三年河南三輔大旱五穀傷災天子親自露坐陽德殿東廂請雨集解惠棟曰注陽德殿案本傳作德陽殿

冲帝永嘉元年集解何焯曰嘉當作熹夏旱時冲帝幼崩太尉李固勸太后

及兄梁冀立嗣帝擇年長有德者天下賴之則功名不朽年幼未

可知如後不善悔無所及時太后及冀貪立年幼欲久自尊遂立

質帝八歲此不用德古今注曰本初元年二月京師旱

桓帝元嘉元年夏旱是時梁冀秉政妻子竝受封寵踰節 延熹

元年六月旱京房占曰人君無施澤惠利於下則致旱也不教必蠱蟲害穀其教也貴譴罰行寬大專兆民勞功吏賜

蹶寡稟不足案陳蕃上疏宮女多聚不御憂悲之感以致水旱之困也集解先謙曰官本專作惠是

靈帝熹平五年夏旱蔡邕作伯夷叔齊碑曰熹平五年天下大旱禱請名山求獲答應時處士平陽蘇騰字玄



成夢陟首陽有神馬之使在道明覺而思之以其夢陟狀上聞天子開三輔請雨使者與郡縣戶曹掾吏登山升祠手書要曰君况我聖主以洪澤之福天尋與雲即降甘雨也集解惠棟曰注平陽蘇騰案水經注蘇騰河南平縣人非平陽也蔡邕集作平原尤誤

威福

六年夏旱 光和五年夏旱 六年夏旱是時常侍黃門僭作

獻帝興平元年秋長安旱是時李傕郭汜專權縱肆 獻帝起居注曰建安十九年夏四月旱集解先謙曰以上恒陽

更始時集解先謙曰二年也南陽有童謠曰諧不諧在赤眉得不得在河北

是時更始在長安世祖為大司馬平定河北更始大臣竝僭專權故謠妖作也後更始遂為赤眉所殺是更始之不諧在赤眉也世祖自河北興

世祖建武六年蜀童謠曰黃牛白腹五銖當復是時公孫述僭號於蜀時人竊言王莽稱黃述欲繼之故稱曰五銖漢家貨明當復述遂誅滅王莽末天水童謠曰出吳門望緄羣見一蹇人言欲

上天令天可上地上安得民時隗囂初起兵於天水後意稍廣欲

為天子遂被滅囂少病蹇吳門冀郭門名也緹羣山名也集解惠棟曰漢

陽郡冀縣有緹羣山見續漢志

順帝之末京都童謠曰直如弦死道邊曲如鉤反封侯集解惠棟曰袁紀寶

武上表曰忠臣李固杜喬在朝必竭忠奉之節陛下不察加以大戮冤感皇天痛入后土固等既沒宦黨受封天下咸言直如弦死

道邊曲如鉤封公侯謠言之作正為於此案順帝即位孝質短祚大將軍梁冀貪樹疏

幼曰為己功專國號令曰贖其私太尉李固曰為清河王雅性聰

明敦詩說禮加又屬親立長則順置善則固而冀建白太后策免

固徵蠡吾侯遂即至尊固是日幽斃于獄暴屍道路而太尉胡廣

封安樂鄉侯司徒趙戒厨亭侯司空袁湯安國亭侯云

桓帝之初天下童謠曰小麥青青大麥枯誰當穫者婦與姑丈人

何在西擊胡吏買馬君具車請為諸君鼓隳胡集解惠棟曰李固篤云鼓者正狀其

咽不敢誦言也戴侗云喉亦謂之胡今俗謂之胡龍漢書金日磾  
摔胡投何羅殿下五行志請爲諸君鼓噓胡胡喉一聲也郭璞曰  
噓謂喉噓說文曰噓喉也從口龍聲蒼頡篇曰噓咽也先謙曰宋  
蘇軾石鐘山記南音函胡今楚諺云打鼓噓是也鼓音轉訛爲姑

案元嘉中涼州諸羌一時俱反南入蜀漢東抄三輔延及并冀大  
爲民害命將出眾每戰常負中國益發甲卒麥多委棄但有婦女  
穫刈之也吏買馬君具車書言調發重及有秩者也請爲諸君鼓噓

胡者不敢公言私咽語彙解惠棟曰公言猶誦言也

桓帝之初京都童謠曰城上烏尾畢逋公爲吏子爲徒一徒死百  
乘車車班班入河間河間姘女工數錢曰錢爲室金爲堂石上慊  
慊春黃梁梁下有懸鼓我欲擊之丞卿怒案此皆謂爲政貪也城  
上烏尾畢逋者處高利獨食不與下共謂人主多聚斂也公爲吏  
子爲徒者言蠻夷將畔逆父旣爲軍吏其子又爲卒徒往擊之也  
一徒死百乘車者言前一人往討胡旣死矣後又遣百乘車往昭臣

曰志家此釋豈未盡乎作徒一死何用百乘其後驗竟為靈帝作此言一徒似斥桓帝帝貴任舉闕參委機政左右前後莫非刑人非一而何百乘車者乃國之君解積後徵正膺斯數繼以班班尤得類焉

釋此句云徵靈帝者河間姪女工數錢一本作妖女呂錢為室金為堂

者靈帝既立其母永樂太后好聚金呂為堂也石上慊慊春黃梁

者永樂雖積金錢慊慊常若不足使人春黃梁而食之也梁下有

懸鼓我欲擊之丞卿怒者言永樂主教靈帝使賣官受錢所祿非

其人天下忠篤之士怨望欲擊懸鼓呂求見丞卿主鼓者亦復詔

順怒而止我也

桓帝之初京都童謠曰游平賣印自有平不辟豪賢及大姓集解

曰平讀為病或云案到延熹之末鄧皇后呂譴自殺乃呂寶貴人

代之其父名武字游平拜城門校尉及太后攝政為大將軍與太

傅陳蕃合心勦力惟德是建印綬所加咸得其人豪賢大姓皆絕望矣

桓帝之末京都童謠曰茅田一頃中有井四方織織不可整嚼復

嚼今年尙可後年饒風俗通作饒案易曰拔茅茹以其彙征吉茅喻羣

賢也井者法也集解惠棟曰說文引易云井法也于時中常侍管霸蘇康憎疾海

內英哲與長樂少府劉囂太常許永集解先謙曰官本永作詠尙書柳分袁山松書

曰柳分權豪之黨爲范滂所奏者尋穆史佟佟後亦爲司隸應劭曰史佟左官媮進者也司隸唐珍等

代作脣齒河內牢川詣闕上書集解錢大昕曰黨錮傳作牢修惠棟曰本傳作牢修孫恂云牢姓孔

子弟子琴牢之後漢石顯之黨有牢梁汝潁南陽上采虛譽專作威福甘陵有南北

二部三輔尤甚由是博考黃門北寺始見廢閣茅田一頃者言羣

賢眾多也中有井者言雖阨窮不失其法度也四方織織不可整

者言姦慝大熾不可整理嚼復嚼者京都飲酒相強之辭也集解先謙

曰既云飲酒相強之詞則嚼當為醞言飲酒盡也此自言食肉者漢世俗傳以雙聲致誤其正字須知否則不可通矣

鄙不恤王政徒耽宴飲歌嘽而已也今年尚可者言但禁錮也後

年饒者陳寶被誅天下大壞

桓帝之末京都童謠曰白蓋小車何延延河間來合諧河間來合

諧集解先謙曰今俗案解犢亭屬饒陽河間縣也饒陽本屬涿後

屬安平靈帝既是河間王曾孫謠言自是有徵無俟明河間之縣為驗居無幾何而桓帝崩使者與

解犢侯皆白蓋車從河間來延延眾貌也是時御史劉儵建議立

靈帝曰儵為侍中中常侍侯覽畏其親近必當間己白拜儵太山

太守因令司隸迫促殺之朝廷少長思其功效乃拔用其弟郃致

位司徒此為合諧也

靈帝之末京都童謠曰侯非侯王非王千乘萬騎上北芒集解惠棟曰李

因篤云言非侯王而繼之以案到中平六年史侯登躡至尊獻帝千乘萬騎是獻帝貴徵也

未有爵號為中常侍段珪等數十人所執公卿百官皆隨其後到

河上乃得來還此為非侯非王上北芒者也

英雄記曰京師謠歌咸言河臘叢進獻帝

臘月生也風俗通曰烏臘烏臘案逆臣董卓滔天虐民窮凶極惡關東舉兵欲共誅之轉相願望莫肯先進處處停兵數十萬若烏

臘蟲相隨橫取之矣

靈帝中平中京都歌曰承樂世董逃遊四郭董逃蒙天恩董逃帶

金紫董逃行謝恩董逃整車騎董逃垂欲發董逃與中辭董逃出

西門董逃瞻宮殿董逃望京城董逃日夜絕董逃心摧傷董逃

卓傳曰卓改為董安策解惠棟曰案此則董卓別傳楊孚撰也孚字孝先漢議郎又撰異物志案董謂董卓也言

雖跋扈縱其殘暴終歸逃竄至於滅族也

風俗通曰卓以董逃之歌主為己發大禁絕之

死者千數靈帝之末禮樂崩壞賞刑失中毀譽無驗競飾偽服以盪典制遠近翕然咸名後生放聲者為時人有識者竊言舊曰世

人次曰俗人今更曰時人此天促其期也其間無幾天下大壞也

獻帝踐祚之初京師童謠曰千里草何青青十日卜不得生案千

里草爲董十日卜爲卓凡別字之體皆從上起左右離合無有從

下發端者也今二字如此者天意若曰卓自下摩上集解先謙曰前書賈山傳

論自下劇上劇切也與此摩義同曰臣陵君也青青者暴盛之貌也不得生者亦

旋破亡獻帝初童謠曰燕南垂趙北際中央不合大如礪唯有此中可避世公孫瓚以爲易地當之遂徙鎮焉乃修城積穀

以待天下之變建安三年袁紹攻瓚瓚大敗縊其姊妹妻子引火自焚紹兵趨登臺斬之初瓚破黃巾殺劉虞乘勝南下侵據齊地

惟威大振而不能開廓遠圖欲以堅城觀時坐聽圍戮斯亦自易地而去世也

建安初荆州童謠曰八九年間始欲衰至十三年無子遺言自中

興曰來集解何焯校本興改平荆州無破亂及劉表爲牧集解惠棟曰牧下有民字又豐

樂至此逮八九年集解惠棟曰此字衍逮爲建之譌脫安字當始衰者謂劉表妻當死諸

將並零落也十三年無子遺者言十三年表又當死民當移詣冀

州也干寶搜神記曰是時華容有女子忽啼呼云有大喪言語過差縣以爲妖言繫獄百餘日忽然獄中哭曰劉荆州今日死

華容去州數日即遣馬吏驗視表果死縣乃出之續又歌吟曰不意李立爲貴人後無幾曹公平荆州以涿郡李立字建賢爲荆州



刺史集解惠棟曰注呼云有大喪有上脫荆州將三字又注去州數日日作百里又驗視表果死表上脫而劉二字周壽昌曰抱朴子審舉篇靈鳳之世時人語曰舉秀才不知書察孝廉父別居寒素清白濁如泥高第良將怯如雞御覽四百九十六所引同壽昌案續五行志未載此謠宜引此補之先謙曰以上詩妖

順帝陽嘉元年十月中集解惠棟曰紀云十一月望都蒲陰狼殺童

兒九十七人時李固對策引京房易傳曰君將無道害將及人去

之深山全身集解惠棟曰厥災狼食人集解惠棟曰陸下覺寤比求

隱滯故狼災息東觀書曰中山相朱遂到官不出奉祀北嶽詔曰

食孩幼朝廷愍悼思惟咎徵博訪其故山嶽尊靈國所望秩而遂

比不奉祠怠慢廢典不務懇惻淫刑放濫害加孕婦毒流未生感

和致災其詳思改救追復所失有不遵憲舉正以聞

靈帝建寧中羣狼數十頭入晉陽南城門嚙人袁山松書曰光利

樂觀又見憲陵上嚙衛士蔡邕封事曰政有苛三年正月虎見平

五行志一第十三終後漢書十三

續漢志集解第十三校補

五行志一五行傳曰田獵不宿注角南有天庫將軍騎官官原譌

官本注不誤柳從辰曰天庫在角南騎官二十七星則在氏南

見星經又天官書房南眾星曰騎官此並謂在角南誤也今案

步天歌云陣車氏下騎官次騎官下三車騎位天福兩星立陣

傍將軍陣裏振威霜騎官在氏南騎陣將軍在騎官東南本皆

繫於氏然房南眾星曰騎官前書天文志亦承其說此注又以

為將軍騎官均在角南蓋東方蒼龍七宿角亢氏房相連二星

皆在其南故舊則木不曲直注既見適於天矣官本注適作

說不免於棍也則木不曲直注既見適於天矣讀古今字

厥

咎狂注方儲對策曰方儲詳後集解今案方儲對策蓋本儲所

條對之辭也儲之卒據御覽五百二十七引謝承書以為在章

帝時元秘書李孝光集以為在和帝時至其入仕為郎中在章

帝建初中則固無異而志注於光武建武五年夏旱安帝元初

四年秋郡國十淫雨傷稼質帝本初元年五月海水溢俱引方

儲對策其時皆先後於說云氣之相傷謂之沴注隅中至曰跌

儲可知注為引其書矣

官原譌

官本注適作

方儲詳後集解今案方儲對策蓋本儲所

官本注跌作映是案周禮司市疏映者差映之言也

左氏昭五年傳疏曰映謂蹉跌而下也是差映即是

卷第十三交補

注今作合與無割大陵伐大木官本注

安帝元年四年秋郡國十淫雨傷稼今案元年乃元初之譌各本皆失正蓋誤沿上和帝永元

十年十三年十四年十五年迭舉之例不覺其誤然自孝武建

元以下史無書元不著年號者况安帝屢改元不書年號何以

辨之且據本書安紀亦惟元初四年秋七月京師及郡國十雨

水結凍涼而由元初元年秋上朔永初元年秋皆無此異是其

為譌亦顯集解惠棟曰至疑是謝承書之文今案惠氏引謝承

而易見也五百六十七洪氏據藝文類聚所引御覽亦引之又御覽

之文初不與欽縣志所載方傳合且儲之自殺欽縣志謂是因

和帝永元五年六月郊祭御覽五百二十七引謝承書則謂儲

聰明善天文為洛陽令章帝欲出南郊儲上言當有疾雨暴風

乘輿不可以出上疑其妄令儲飲酢而死果有大風暴雨洛陽

晝暝此謂和帝被謂章帝此謂自殺彼謂帝令飲酢死其非同

係謝承之文尤彰彰可證夫寬仁如章帝何至不待言之驗否

而還酖殺畿輔風憲之官和帝憫儲之自殺而贈官或亦有之

而追封黔侯則漢無此制儲功亦不當侯似兩傳說皆近誣范

其誣白勃海王惺謀反官本白

氏不取必冊書本無徵也

墮馬髻

官本髻下皆謂  
从告注亦謂

墮馬髻者作一邊

原本墮右謂作重  
已正官本不誤

折

要有

官本脊下  
謂从目

檀車煌煌四牡彭彭

柳從辰曰今毛詩大  
明卒章作駟驅彭彭

有一狗突出走入司徒府門

案此下言西邸賣官而不以崔烈  
入錢為司徒應之蓋時有所諱也

宣帝黃龍元年集解先謙曰官本不空格是

錢大昭曰閩本宣  
帝提行書之尤誤

殺太師董卓夷三族注袁山松書曰

官本注  
無書字

集解何焯曰占在王

允不在卓也袁書是

今案本書獻紀書長安宣平城門外屋自  
壞事在初平四年三月董卓王允之死在

三年事皆既往豈袁山松書獨與志合故割令引之耶然范史  
紀傳訖無二年三月城門屋壞之事蔡邕論災異亦未嘗及之

賈逵在志又不月載四年事且觀下文興平元年十月長安市  
門無故自壞既與獻紀合則此不與紀合安知非誤何氏不先

正其年而遠定其  
占亦論史之疎也

殺光祿勳鄧淵廷尉宣璠少府田邠等數十人集解洪亮吉日

至

與此不同

柳從辰曰袁宏紀有少府田芬御史鄧聘大司農張  
義獻紀十一月庚午李傕郭汜等追乘輿所殺為鄧

泉禮士孫瑞宣播苗祀魏桀朱展沮僑王申幸曹陽十二月  
 庚辰車駕乃進李惟等復來追戰沒者亦有少府田芬大司農  
 張慈惟不載鄧聘芬即邪也洪說誤今案鄧淵宣播等之被殺  
 在帝未抵曹陽之前田邪等之戰沒則在帝離曹陽之後顧其  
 地必皆近接曹陽故志通以曹陽概之既曰數十人紀志自不  
 能悉著其姓名所標舉者詳略互異無足為病實非不同也  
 則金不從革注無故治之不銷官本注厥罰恆陽注推設其蹟推

原殘依鄭注正官本注  
不誤蹟官本注作跡同

軍多過時注明帝永平元年五月至並旱錢大昭曰鍾離意傳永  
平三年夏旱意上疏云

竊見北宮大作人失農時此所謂宮室榮也自古非苦宮室小  
狹但患人不安甯宜且罷止以應天心帝從之遂應時澍雨焉  
據此則旱不為災  
故古今注不載

章帝章和二年夏旱錢大昭曰魯恭傳云三  
輔并涼少雨麥根焦枯注案楊終傳建初元

年大旱穀貴錢大昭曰鮑昱傳亦載此事又東  
平王蒼傳云冬春旱甚所被尤廣

行未還宮澍雨降注十五年丹陽郡國二十二並旱案古今注京  
師皆稱雒陽

此丹陽乃雒陽之  
講各本皆未正安帝古今注曰錢大昭曰安帝二字衍文今  
案錢說非也此安帝二字乃

下條永初六年上之志文大字古今注曰亦即安帝下之注志  
二安帝志五桓帝下皆有注可證也自轉寫錯誤以安帝二大  
字雜入本條注文故下條永初上反缺二字錢氏徒欲刪此補  
彼不思刪此二字則一條注中再出古今注曰又豈有此例耶

永初六年夏旱注三年郡國八官本注入  
下多旱字

二年夏旱注三年夏旱至連十餘年今案刻令補注之例非引他  
者若既不一引書又不言案則明是轉寫脫誤  
此注三年夏旱上當有臣昭案本紀五字  
書則云臣昭案亦有省言案

太尉李固勸太后及兄梁冀立嗣帝太后原譌太兄已正官本不  
因時不能親言於太后固傳亦無固親勸太后立長君  
事當作太后兄去及字蓋本后字譌成兄及二字也

延熹元年六月旱注賞譴罰官本注  
譴誤

述欲繼之故稱曰柳從辰曰曰乃白之譌各本皆未正今遂被滅  
案此條並見本書述傳作述自號白

官本被  
作破

敦詩說禮官本說  
作悅同

後又遣百乘車往注臣昭曰志家此釋豈未盡乎今案刻令注疑  
志家釋此未盡

而以爲徒係指帝是也至其釋徒字則又迂而近於繫夫城上  
烏尾畢通者憑高而處以喻人主尾通無後喻皇嗣屢絕也公  
爲吏子爲徒者徒常畏吏不敢近貴賤懸隔喻援立疏幼入繼  
大統如吏以徒爲子也一徒死百乘車者天子萬乘王國千乘  
諸小侯不過百乘喻蠹吾解潰相繼入嗣而清和王不得立也  
車班班入河閭者班班爲車行相次聲絡繹不絕喻桓靈皆迎  
自河閭也餘應如志所釋惟據本  
書靈紀章懷注引此亦文字微異

嚼復嚼者京都飲酒相強之辭也集解先謙曰既云飲酒相強之

詞則嚼當爲醕言飲酒盡也謹案醕訓飲酒盡本說文又前書  
郭解傳與人飲使之醕非其任強

灌之顏注盡爵曰醕此  
志作嚼當由形近而譌

白拜儵太山太守因令司隸迫促殺之案本書陳球傳謂郃兄侍  
中儵與大將軍竇武同謀

俱死爲曹節等所害亦無朝廷少長思其功效乃拔用其弟郃

出爲太山太守事與志異郃原譌郃已正官本不誤案郃字季承靈帝光和二  
年二月代袁滂爲司徒見本書靈紀及注其年冬卽

致位司徒與陳球等謀誅宦官事  
卽下獄死並見球傳

獻帝未有爵號案本書靈紀末章懷注引志文略同然獻帝時已  
由渤海王徙封陳留王此乃云未有爵號是續漢

書本紀所載必有  
與苑書大異者矣

民當移詣冀州也注是時華容有女子官本注有字  
在華容上

順帝陽嘉元年十月中望都蒲陰狼殺童兒九十七人童兒本紀  
作女子今

案本書順紀陽嘉元年書冬十一月甲申望都蒲陰狼殺女子  
九十七人殆本有誤夫望都蒲陰地分兩縣狼殺人至九十七  
人豈是一日之事何宜書日蓋冬十一月甲申者乃帝下詔賜  
狼所殺人錢及責中山相之日至狼之殺人必向在十月中志  
本不誤惠氏補注誤也又狼殺人尤無專殺女子之理東觀記  
作狼殺子女九十七人為不祠北嶽所致子女二字紀誤倒耳  
觀東觀詔書言政失厥中狼災為應至乃殘食孩儻疑幼則所  
殺固多童兒子女亦就童幼言也是則本紀女子二字當乙轉  
甲申二字當移在九十七人之下詭書文不飾有異  
也而志文十月中中字不當如惠氏說改甲申明矣